

四庫全書

集部

欽定四庫全書

御定全唐詩卷六百六十八

高蟾

高蟾河朔人乾符三年登進士第乾寧間為御史中丞
詩一卷

途中除夜

南北浮萍跡年華又暗催殘燈和臘盡曉角帶春來鬢
欲漸侵雪心仍未肯灰金門舊知己誰為脫塵埃

長門怨

天上何勞萬古春君前誰是百年人
魂銷尚媿金爐燼思起猶慚玉輦塵
煙翠薄情攀不得星茫浮艷採無因
可憐明鏡來相向何似恩光朝夕新

秋日寄華陽山人

雲木送秋何草草風波凝冷太星星
銀鞍公子魂俱一作

堪

斷玉弩將軍涕自零茅洞白龍和雨看
荆溪黃鵠帶

霜聽人間不見清涼事猶向溪翁乞畫屏

感事

蜀河從北下清洛向東流清濁皆如此何人不白頭

楚思

疊浪與雲急翠蘭和

一作如

意香風流化為雨日暮下巫

陽

雪中

金閣倚雲開朱軒犯雪來三冬辛苦樣天意似難裁

道中有感

一醉六十日一裘三十年年華經一作幾日日日掉征
鞭

宋汴道中

平野有千里居人無一家甲兵年正少日久戍天涯

秋思

天地太蕭索山川何渺茫不堪星斗柄猶把歲寒量

即事

三年離水石一旦隱樵漁為問青雲上何人識卷舒

漁家

野水千年在閒花一夕空
近來浮世狹何似釣船中

關中

風雨去愁晚關河歸思涼
西遊無紫氣一夕九回腸

歸思

紫府歸期斷芳洲別思迢
黃金作人世只被歲寒消

下第出春明門

曾和秋雨驅愁入却向春風領恨回
深謝灞陵隄畔柳

與人頭上拂塵埃

華清宮

何事金輿不再遊
翠鬟丹臉豈勝愁
重門深鎖禁鐘後
月滿驪山宮樹秋

秋日北固晚望二首

風含遠思脩脩晚
日照高情的的秋
何事滿江惆悵水
年年無語向東流

澤國路歧當面苦
江城砧杵入心寒
不知白髮誰醫得

為問無情歲月看

送張道士

因將歲月離三島
閒貯風煙在一壺
為問金烏頭白後
人間流水却回無

吳門春雨

吳甸落花春漫漫
吳宮芳樹晚沉沉
王孫不耐如絲雨
胃斷春風一寸心

旅夕

一作食

風散古陂驚宿雁月臨荒戍起啼鴉不堪吟斷無人見
時復寒燈落一花

瓜洲夜泊

偶為芳草無情客況是青山有事身一夕瓜洲渡頭宿
天風吹盡廣陵塵

金陵晚望

曾伴浮雲歸一作悲晚翠猶一作旋陪落日汎秋聲世間無

限丹青手一片一作傷心畫不成

晚思

虞泉冬恨由來短楊葉春期分外長惆悵浮生不知處
明朝依舊出滄浪

長信宮二首

天上夢魂何杳杳日宮消息太沉沉君恩不似黃金井
一處團圓萬丈深

天上鳳皇休寄夢人間鸚鵡舊堪悲平生心緒無人識

一隻金梭萬丈絲

此首題一作長門怨

長安旅懷

馬嘶九陌年年苦人語千門日日新
唯有終南寂無事寒光不入帝鄉塵

春

天柱幾

一作月桂數

條捲白日天門幾扇鎖明時陽春發處

無根蒂憑仗東風分外吹

明月斷魂清靄靄平蕪歸思綠迢迢
人生莫遣頭如雪

縱得春

一作東

風亦不消

秋

陽羨溪聲冷駭人
洞庭山翠晚凝神
天將金玉為風露
曾為高秋幾度貧

灞陵亭

一條歸夢

一作路

朱弦直一片離心
白羽輕明日灞陵新

霽後馬頭煙樹綠相迎

偶作二首

丁當玉佩三更雨
平帖金閨一覺雲
明日薄情何處去

風流春水不知君

霞衣重疊紅蟬暖雲鬢意籠紫鳳寒天上少年分散後
一條煙水若為看

永夕

雲鴻宿處江村冷獨狹啼時海國陰不會殘燈無一事
覺來猶有向隅心

落花

一葉落時空下淚三春歸盡復何情無人共得東風語

半日尊前計不成

下第後上永崇高侍郎

天上碧桃和露種日邊紅杏倚雲栽
芙蓉生在秋江上不向東風怨未開

句

君恩秋後葉日日向人疎

御定全唐詩卷六十八

欽定四庫全書

御定全唐詩卷六百六十九

章碣

章碣孝標之子登乾符進士第後流落不知所終詩一卷

城南偶題

誰家朱閣道邊開竹拂欄干滿壁苔野水不知何處去
遊人却是等閒來南山氣聳分紅樹北闕風高隔紫台

可惜登臨好光景五門須聽鼓聲迴

贈邊將

千千鐵騎擁塵紅去去平吞萬里空
宛轉龍蟠金劍雪連錢豹躩繡旗風
行收部落歸天闕旋進封疆入帝聰
只有河源與遼海如今全屬指麾中

桃源

絕壁相歌是洞門昔人從此入仙源
數株花下逢珠翠半曲歌中老子孫
別後自疑園吏夢歸來誰信釣翁言

山前空有無情水猶遶當時碧樹村

曲江

日照香塵逐馬蹄風吹浪濺幾回隄無窮羅綺填花徑
大半笙歌占麥畦落絮却籠他樹白嬌鶯更學別禽啼
祇緣頻燕蓬洲客引得遊人去似迷

送韋岫郎中典泗州

一作癸丑歲毗陵會中貽同老

玉皇恩詔別星班去壓徐方分野間有鳥盡巢垂汴柳
無樓不到

一作對

隔淮山旌旗漸向行時擁案牘應從到

日閒想憶朝天獨吟坐旋飛一作新作過秦關

贈婺州蘇員外

帝念瓊枝欲並芳星分婺女寄仙郎鸞從闕下雖辭侶
鴈到江都却續行員外弟冲時任衢州煙月一時搜古跡山川兩
地植甘棠即看龍虎西歸去便佐羲軒活萬方

寄友人

謝家山水屬君家曾共持鉤擲歲華竹裏竹雞眠蘚石
溪頭鷗鷺踏金沙登樓夜坐三層月接果春看五色花

昨日西風動歸思滿船涼葉在天涯

雨

低着煙花漠漠輕正堪吟坐掩柴扃亂沾細網垂窮巷
斜送陰雲入古廳鎖却暮愁終不散添成春醉轉難醒
霽來還有風流事重染南山一遍青

觀錫宴

傾朝朱紫正駢闐紅杏青莎映廣筵不道樓臺無錦繡
只愁塵土撲神仙魚銜嫩草浮池面蝶趁飛花到酒邊

日暮驂騑相擁去，幾人沉醉失金鞭。

城東卽事

閒尋香陌鳳城東，時暫開襟向遠風。
玉笛一聲芳草外，錦鴛雙起碧流中。
苑邊花竹濃如繡，渭北山川澹似空。
回首漢宮煙靄裏，天河金閣未央宮。

夏日湖上卽事寄晉陵蕭明府

亭午羲和駐火輪，開門嘉樹庇湖濱。
行來賓客竒茶味，睡起兒童帶簟紋。
屋小有時投樹影，舟輕不覺入鷗羣。

陶家豈是無詩酒公退堪驚日已曛

對月

殘霞卷盡出東溟萬古難消一片冰公子踏開香徑蘚
美人吹滅畫堂燈琉璃輪正輾丹霄去銀箭休催皓露凝
別有洞天三十六水晶臺殿冷層層

一作難登

浙西送杜晦侍御入關

紫詔徵賢發帝聰繡衣行處撲香風
鶚歸秦樹幽禽散星出吳天列舍空
捧日思馳仙掌外朝宗勢動海門中

鞭鞘所拂三千里多少諸侯合避驄

寄江東道友

野亭歌罷指西秦避俗爭名興各新
碧帶黃麻呈縹緲短竿長線弄因循
夜潮分卷三江月曉騎齊驅九陌塵
可惜人間好聲勢片帆羸馬不相親

下第有懷

故鄉朝夕有人還欲作家書下筆難
滅燭何曾妨夜坐傾壺不獨爲春寒
邈來鶯語雖堪聽落了楊花也怕看

但使他年遇公道月輪長在桂珊珊

春日經湖上友人別業

何處狂歌破積愁攜觴共下木蘭舟
綠泉濺石銀屏濕黃鳥逢人玉笛休
天借煙霞裝島嶼春鋪錦繡作汀洲
一年一電逡巡事不合花前不醉遊

長安春日

春日皇家瑞景遲東風無力雨微微
六宮羅綺同時泊九陌煙花一樣飛
暖著柳絲金蘂重冷開山翠雪稜稀

輸他得路蓬洲客紅綠山頭爛醉歸

陪浙西王侍郎夜宴

深鎖雷門宴上才旋看歌舞旋傳杯黃金鸚鵡當筵睡
紅錦薔薇映燭開稽嶺好風吹玉佩鏡湖殘月照樓臺
小儒末座頻傾耳祇怕城頭畫角催

春別

擲下離觴指亂山趨程不待鳳笙殘花邊馬嚼金銜去
樓上人垂玉筯看柳陌雖然風裊裊蕙河猶自雪漫漫

殷勤莫厭貂裘重恐犯三邊五月寒

送謝進士還閩

百越風煙接巨鼇還鄉心壯不知勞雷霆入地建溪險
星斗逼人梨嶺高却擁木綿吟麗句便攀龍眼醉香醪
名場聲利喧喧在莫向林泉改鬢毛

焚書坑

竹帛煙銷帝業虛關河空鎖祖龍居坑灰未冷山東亂
劉項元來不讀書

東都望幸

紀事云高相侍郎南遷歸闕途次連江連州邵安石以所業獻遂挈至輦

下湘主文安石擢第
碣賦東都望幸刺之

懶修珠翠上高臺
睂月連娟恨不開
縱使東巡也無益
君王自領美人來

旅舍早起

跡暗心多感
神疲夢不遊
驚鳥同厭夜
獨樹對悲秋
曉角和人戰
殘星入漢流
門前早行子
敲鐙唱離憂

癸卯歲毘陵登高會中貽同志

流落常嗟勝會稀故人相遇菊花時
鳳笙龍笛數巡酒紅樹碧山無限
詩塵土十分歸舉子乾坤大半屬
偷兒長楊羽獵須留本開濟重為
闕下期

上元夜建元寺觀燈呈智通上人

建元看別

一作列

上元燈處處迴廊鬪火層珠玉
亂拋高

殿佛綺羅深拜遠山僧臨風走筆
思呈惠到曉行禪合伴能無限喧
闐留不得月華西下露華凝

變體詩

蔡寬夫詩話
側各一韻自號變體

東南路盡吳江畔正是窮愁暮雨天鷗鷺不嫌斜兩岼
波濤欺得逆風船偶逢島寺停帆看深羨漁翁下釣眠
今古若論英達筭鴟夷高興固無邊

御定全唐詩卷六百六十九

欽定四庫全書

御定全唐詩卷六百七十

秦韜玉

秦韜玉字仲明京兆人中和二年得准勅及第僖宗幸蜀以工部侍郎為田令孜神策判官授知小錄三卷今編詩一卷

長安書懷

涼風吹雨滴寒更鄉思欺

一作

人撥不平長有歸心懸

馬首可堪無寐枕蛩聲嵐收楚岫和空碧秋染湘江到
底清早晚身閑著簑去橘香深處釣船橫

檜樹

翠一作
翠

雲交幹瘦輪困嘯雨吟風幾百春深蓋屈盤青

麈尾老皮張展黑龍鱗唯堆

一作
將

寒色資琴興不放秋

聲染俗塵歲月如波事如夢竟留蒼翠待何人

讀五侯傳

漢亡金鏡道將衰便有姦臣競佐時專國祇誇兄弟貴

舉家誰念子孫危。後宮得寵人爭附。前殿陳誠帝不疑。
朱紫盈門自稱貴。可嗟區宇盡瘡痍。

春雪

雲重寒空思寂寥。玉塵如糝滿春潮。片纔著地輕輕陷。
力不禁風旋旋銷。惹砌任他香粉妒。縈叢自學小梅嬌。
誰家醉卷珠簾看。弦管堂深暖易調。

貧女

蓬門未識綺羅香。擬託良媒益自傷。誰愛風流高格調。

共憐時世儉梳妝敢將十指誇偏

一作織

巧不把雙眉鬪

畫長苦恨年年壓金線為他人作嫁衣裳

題竹

削玉森森幽思清院家高興尚分明捲簾陰薄漏山色
欹枕韻寒宜雨聲斜對酒缸偏覺好靜籠碁局最多情
却驚九陌輪蹄外獨有溪煙數十莖

鸚鵡

每聞別雁競悲鳴却歎

一作向
一作美

金籠寄此生早是翠襟

爭愛惜可堪丹甯彊分明雲漫隴樹魂應斷歌接秦樓
夢不成幸自一作有一作人未識賺他作賦被時輕

寄李處士

呂望甘羅道已彰只憑時數為門一作開

張世塗必竟皆

應定人事都來不在忙要路強干情本薄舊山歸去意

偏長因君指似封侯骨漸擬回頭別醉鄉

一作鳳凰

對花

長與韶光暗有期可憐蜂蝶却先知誰家促席臨低樹

何處橫釵戴

一作帶

小枝麗日多情

一作晴

疑曲照和風得

路合偏吹向人雖道渾無語笑

一作錢

勸王孫到醉時

寄懷

總藏心劒事儒風大道如今已渾同會致名津搜雋彥
是張愁網絆英雄蘓君有國皆懸印楚將無官可賞公
若使重生太平日也應回首哭塗窮

題刑部李郎中山亭

儂家雲水本相知每到高齋強展耆瘦竹簾煙遮板閣

卷荷擎

一作驚

雨出盆池笑吟山色同欹枕閑背庭陰對

覆碁不是主人多野興閒開青眼重漁師

八月十五日夜同衛諫議看月

常時月好賴新晴不似年年此夜生
初出海濤疑尚濕漸來雲路覺偏清
寒光入水蛟龍起靜色當天鬼魅驚
豈獨座中堪仰望孤高應到鳳凰城

亭臺

雕楹累棟架崔嵬院宇生煙次第開
為向西窗添月色

豈辭南海取花栽
意將畫地成幽沼
勢擬驅山近小臺
清境漸深官轉重
春時長是別人來

邊將

劒光如電馬如風
百捷長輕是掌中
無定河邊蕃將死
受降城外虜塵空
旗縫鴈翅和竿裹
箭撚雕翎逐隼雄
自指燕山最高石
不知誰為勒殊功

塞下

到處人皆著戰袍
麾旗

一作席箕

風緊馬蹄

一作發

勞黑山霜

重弓添硬青冢沙平月更高大野幾重開一作開雪嶺長

河無限舊雲濤風林關外皆唐土何日陳兵戍不毛一作

猶尚蒐兵
數似毛

織錦婦

桃花日日見新奇有鏡何曾及畫眉祇恐輕梭難作匹
豈辭纖手遍生胝合蟬巧間雙盤帶聯雁斜銜小折枝
豪貴大堆酬曲徹可憐辛苦一絲絲

釣翁

一竿青竹老江隈荷葉衣裳可自裁潭定

古一作

靜懸絲

影直風高斜颭浪紋開朝攜輕棹穿雲去暮背寒塘戴
月回世上無窮嶮巖事算應難入釣船來

曲江

曲沼深塘躍錦鱗槐煙徑裏碧波新此中境旣無佳境
他處春應不是春金榜真仙開樂席銀鞍公子醉花塵
明年二月重來看好共東風作主人

隋隄

種柳開河為勝遊
隄前常使路人愁
陰埋野色萬條思
翠束寒聲千里秋
西日至今悲兔苑
東坡終不反龍舟
遠山應見繁華事
不語青青對水流

天街

九衢風景盡爭新
獨占天門近紫宸
寶馬競隨朝暮客
香車爭碾古今塵
煙光正入南山色
氣勢遙連北闕春
莫見繁華祇如此
暗中還換往來人

紫驕馬

渥洼奇骨本難求，況是豪家重紫驕。臆大宜懸銀壓膝，

力渾欺著

一作却

玉銜頭生獐弄影風隨步

一作起

踉

一作躩

蹄衝塵汗滿溝，若遇丈人

一作大

夫能控馭任從騎

一作驅取

覓封侯

問古

大底榮枯各自行，兼疑陰陽也難明。無門雪向頭中出，
得路雲從脚下生。深作四溟何浩渺，高為五嶽大崢嶸。
都來總向人間看，直到皇天可是平。

豪家

石甃通渠引御波，綠槐陰裏五侯家。
地衣鎮角香獅子，簾額侵鉤繡辟邪。
按徹清歌天未曉，飲回深院漏猶賒。
四鄰池館吞將盡，尚自堆金為買花。

陳宮

臨春高閣擬瀛洲，貪寵張妃作一作事勝遊。
便把江山為已有，豈知臺榭是身讐。
金城暗逐歌聲碎，鐵甕潛隨舞勢休。
誰識古宮堪恨處，井桐吟雨不勝秋。

送友人罷舉授南陵令

共言愁是酌離杯
况值弦歌枉大才
獻賦未為龍化去
除書猶喜鳳銜來
花明驛路燕脂暖
山入江亭菴畫開
莫把新詩題別處
謝家臨水有池臺

投知己

爐中九轉鍊雖成
教主看時亦自驚
羣嶽並天先減翠
大江臨海恐無聲
賦一作晚歸已罷吳門釣
身一作垂一作投老
仍拋楚岬耕
唯有太平方寸血
今朝盡向隗臺傾

牡丹

拆妖放艷有誰催疑就仙中旋折來圖把一春皆占斷
固留三月始教開壓枝金蕊香如撲逐朶檀心巧勝栽
好是酒闌絲竹罷倚風含笑向樓臺

春遊

選勝逢君敘解攜思和芳草遠煙迷小梅香裏黃鶯囀
垂柳陰中白馬嘶春引美人歌遍

一作板

熟風牽公子酒

旗低早知有此關身事悔不前年住越溪

仙掌

萬仞連峰積翠新
靈蹤依舊印輪巡
何如捧日安皇道
莫把回山示世人
已擘峻流穿太嶽
長扶王氣擁彊秦
為余勢負天工背
索取風雲際會身

燕子

不知大厦許栖無
頻已銜泥到座隅
曾與佳人並頭語
幾回拋却繡工夫

奉和春日玩雪

北闕同雲掩曉霞東風春雪滿山家瓊章定少千人和

銀樹先

一作長

開六出花

獨坐吟

客愁不盡本如水草色含情更無已又覺春愁似草生

何人種在情田裏

採茶歌

一作紫
笋茶歌

天柱香芽露香發爛研瑟瑟穿荻蔑太守憐才寄野人
山童碾破團團月倚雲便酌泉聲煮獸炭潛然蚌珠吐

看著晴天早日明
鼎中颯颯節風雨
老翠香塵下纔熟
攪時繞筋天一作秋
雲綠耽書病酒兩多情
坐對閨甌睡
先足洗我胸中幽思
清鬼神應愁歌欲成

貴公子行

堦前莎球綠不捲
銀龜噴香挽不斷
亂花織錦柳撚線
妝點池臺畫屏展
主人公業傳國初
六親聯絡馳朝車
鬬鷄走狗家世事
抱來皆佩一作著
黃金魚却笑儒生把
書卷學得顏回忍飢面

吹笙歌

信陵名重憐高才見我長吹青眼開
便出燕姬再傾醕此時花下逢仙侶
彎彎狂月壓秋波兩條黃金閨黃霧
逸艷初因醉態見濃春可是韶光與
纖纖軟玉捧暖笙深思香風吹不去
檀唇呼吸宮商改怨情漸逐清新舉
岐山取得嬌鳳雛管中藏著輕輕語
好笑襄王大迂濶曾卧巫雲見神女
銀鎖金簧不得聽空勞翠輦衝泥雨

咏手

一雙十指玉纖纖不是風流物不拈鸞鏡巧梳勻翠黛
畫樓閑望擘珠簾金杯有喜輕輕點銀鴨無香旋旋添
因把剪刀嫌道冷泥人呵了弄人髭

句

女媧羅裙長百尺搭在湘江作山色

瀟湘見詩
話總龜

御定全唐詩卷六百七十

欽定四庫全書

集部

御定全唐詩卷六百七十一至
三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣石鴻翥

謄錄監生臣朱續曾

欽定四庫全書

御定全唐詩卷六百七十一

唐彥謙

唐彥謙字茂業并州人咸通時舉進士十餘年不第乾符末攜家避地漢南中和中王重榮鎮河中辟為從事光啓末貶漢中掾曹楊守亮鎮興元署為判官累官至副使閬壁絳三州刺史彥謙博學多藝文詞壯麗至於書畫音樂無不出於輩流號鹿門先生集三卷今編詩

二卷

逢韓喜

相逢渾不覺祇似茂陵貧
裊裊花驕客瀟瀟雨淨春
借書消茗困索句寫梅真
此去青雲上知君有幾人

夜坐示友

夜久燭花落淒聲生遠林
有懷嫌會淺無事又秋深
黃葉歸田夢白頭行路吟
山中亦可樂不似此同襟

梅亭

東海窮詩客西風古驛亭
髮從殘歲白山入故鄉青
世事徒三窟兒曹且一經
丁寧速賒酒煮栗試砂瓶

歲除

索索風搜客沈沈雨洗年
殘林生獵跡歸鳥避密烟
節物杯漿外溪山鬢影前行藏都未定筆硯或能捐

詠月

陰盛此宵中多為雨與風
坐無風雨至看與雪霜同抱
濕離遙海傾寒向遠空
年年不相一作可值還似道難通

聞應德茂先離棠溪

落日蘆花雨行人穀樹村青山時問路紅葉自知門
宿窮詩味芭蕉醉墨痕端知棄城市經席許頻溫

松

托根蟠泰華倚幹蝕莓苔誰云山澤間而無梁棟材

梅

玉人下瑤臺香風動輕素畫角弄江城鳴璫月中墮

蘭二首

清風搖翠環涼露滴蒼玉美人胡不紉幽香藹空谷
謝庭漫芳草楚畹多綠莎于焉忽相見歲晏將如何

葡萄

金谷風露涼綠珠醉初醒珠帳夜不收月明墮清影

春草

隨夢入池塘無心在金谷春風自年年吹遍天涯綠

魚

相聚即為鄰煙火自成簇約伴過前溪撐破蘼蕪綠

畱別四首

鵬程三萬里別酒一千鍾好景當三月春光上國濃
野花紅滴滴江燕語喃喃鼓吹翻新調都亭酒正酣
登庸趨俊乂廁用野無遺起喜賡歌日明良際會時
鹽車淹素志長坂入青雲老驥春風裏奔騰獨異羣

秋葵

月辦團欒翦赭羅長條排葉綴鳴珂傾陽一點丹心在
承得中天雨露多

春草

天北天南遠路邊
托根無處不延綿
萋萋總是無情物
吹綠東風又一年

春日偶成

箏箏簫管和琵琶
興滿金尊酒量賒
歌舞留春春似海
美人顏色正如花

秋日感懷

溪上芙蓉映醉顏
悲秋宋玉鬢毛斑
無情最恨東流水

暗逐芳年去不還

七夕

會合無由歎久違
一年一度是緣非
而予願乞天孫巧
五色紉針補袞衣

懷友

金井涼生梧葉秋
閑看新月上簾鉤
冰壺總憶人如玉
目斷重雲十二樓

翡翠

莎草江汀漫晚潮
翠華香撲水光遙
玉樓春暖笙歌夜
妝點花鈿上舞翹

詠馬二首

紫雲團影電飛瞳
駿骨龍媒自不同
騎過玉樓金轡響
一聲嘶斷落花風

峻嶒高聳骨如山
遠放春郊苜蓿間
百戰沙場汗流血
夢魂猶在玉門關

畱別

丹湖湖上送行舟
白鴈啼殘蘆葉秋
采石江頭舊時路
題詩還憶水邊樓

詠竹

醉臥涼陰沁骨清
石牀冰簟夢難成
月明午夜生虛籟
悞聽風聲是雨聲

憶孟浩然

郊外凌兢西復東
雪晴驢背興無窮
句搜明月梨花內
趣入春風柳絮中

寄友三首

新酒秦淮縮項鰖凌霄花下共流連
別來客邸空翹首
細雨春風憶往年

寒燈孤對擁青氊牢落何如似客邊
却憶花前酣後飲
醉呼明月上遙天

客裏逢春一惘然梅花落盡柳如煙
無情最恨東來鴈
底事音書不肯傳

無題十首

細草鋪茵綠滿堤燕飛晴日正遲遲尋芳陌上花如錦
折得東風第一枝

錦箏銀甲響鶻弦勾引春聲上綺筵醉倚闌干花下月
犀梳斜亸鬢雲邊

楚雲湘雨會陽臺錦帳芙蓉向夜開吹罷玉簫春似海
一雙綵鳳忽飛來

春江新水促歸航惜別花前酒漫觴倒盡銀瓶渾不醉
却憐和淚入愁腸

誰知別易會應難
目斷青鸞信渺漫
情似藍橋橋下水
年來流恨幾時乾

漏滴銅龍夜已深
柳梢斜月弄疎陰
滿園芳草年年恨
剔盡燈花夜夜心

夜合庭前花正開
輕羅小扇為誰裁
多情驚起雙蝴蝶
飛入巫山夢裏來

憶別悠悠歲月長
酒兵無計敵愁腸
柔絲漫折長亭柳
綰得同心欲寄將

楊柳青青映畫樓
翠眉終日鎖離愁
杜鵑啼落枝頭月
多為傷春恨不休

雲色鮫鮓拭淚顏
一簾春雨杏花寒
幾時重會鴛鴦侶
月下吹笙和綵鸞

寄同上人

高高山頂寺更有最高人
定起松鳴屋吟圓月上身雲
藏三伏熱水散百溪津
曾乞蘭花供無書又過春

夜坐

愁鬢丁年白寒燈丙夜青不眠驚戍鼓久客厭郵鈴
洶城噴海踈屋漏星十年窮父子相守慰飄零

弔方干處士二首

不謂高名下終全玉雪身交猶及前輩語不似今人別
號行鳴鴈遺編感獲麟歛衣應自定只著古衣

一作巾儀

不比他人死何詩可挽君淵明元嬾仕東野別攻文滄
海諸公淚青山處士墳相看莫浪哭私謚有前聞

題證道寺

彎環青徑斜自是野僧家滿澗洗巖液插天排石牙爐
寒餘栢子架靜落藤花記得逃兵日門多貴客車

宿趙岷別業

溪山兵後縣風雪旅中人迫夜愁嚴鼓衝寒託軟巾摧
藏名字在疏率饌殺真今代徐元直高風自可親

原上

第五句
缺一字

危橋橫古渡村野帶平林野鶩寒塘靜山禽曉樹深雨
微風轟雲暗雪侵尋安道門前水清遊豈獨吟

寄臺省知已

久懷聲籍甚千里致雙魚
宦路終推轂親幃且著書
才名賈太傅文學馬相如
轍跡東巡海何時適我閭

自詠

白髮三千丈青春四十年
兩牙搖欲落雙膝痺如攣
強仕非時彥無聞惜昔賢
自期終見惡未忍捨遺編

遊陽明洞呈王理得諸君

禹穴蒼茫不可探
人傳靈笈銷煙嵐
初晴鶴點青邊嶂

欲雨龍移黑處潭北斗齋壇天寂寂東風仙洞草氤氲
堪憐尹叟非闕吏猶向江南逐老聃

新豐

沛中歌舞百餘人帝業功成里巷新半夜素靈先哭楚
一星遺火下燒秦貔貅掃盡無三戶雞犬歸來識四鄰
惆悵故園前事遠曉風長路起埃塵

拜越公墓因遊定水寺有懷源老

越公已作飛仙去猶得潭潭好墓田老樹背風深拓地

野雲依海細分天青峰曉接鳴鐘寺玉井秋澄試茗泉
我與源公舊相識遺言瀟灑有人傳

任潛謀隱之作

江邊秋日逢任子大理索詩吾欲忘為問山資何次第
祇餘丹訣轉淒涼黃金范蠡曾辭祿白首虞翻未信方
千古浮雲共歸思曉風城郭水花香

晚秋遊中溪

淡竹岡前沙鴈飛小花尖下柘丸肥山雲不卷雨自薄

天氣欲寒人正歸招伴祇須新稻酒臨風猶有舊苔磯
故人舊業依稀在怪石老松今是非

寄陳少府兼叔高

懷人路絕雲歸海避俗門深草蔽丘萬事漸消閑客夢
一年虛白少年頭山蠻啼緩從除架淮鴈來多莫上樓
近日鄰家有新釀每逢詩伴得淹留

過清涼寺王導墓下

江左風流廊廟人荒墳拋與梵宮鄰多年羊虎猶眠石

敗壁貂蟬祇貯塵萬古雲山同白骨一庭花木自青春
永思陵下猶淒切廢屋寒風吹野薪

第三溪

日晏霜濃十二月林疎石瘦第三溪雲沙有徑縈寒燒
松屋無人聞晝雞幾聚衣冠埋作土當年歌舞醉如泥
早知涉世真成夢不棄山田春雨犁

蒲津河亭

宿雨清秋霽景澈廣亭高樹向晨興煙橫博望乘槎水

日上文王避雨陵孤棹夷猶期獨往曲闌愁絕每長憑

思鄉懷古多人

一作

傷別況此

一作此際

哀吟意不勝

毘陵道中

百年只有百清明狼狽今年又避兵煙火誰開寒食禁
簪裾那復麗人行禾麻地廢生邊氣草木春寒起戰聲
渺渺飛鴻天斷處古來還是闔閭城

越城待旦

第三句缺一字

策策虛樓竹隔明悲來展轉向誰傾天寒鴈出萬里

月落越雞啼四更為底朱顏成老色看人青史上新名
清溪白石村村有五尺烏犍託此生

過浩然先生墓

人間萬卷龐眉老眼見堂堂入草萊行客須當下馬過
故交誰復裏雞來山花不語如聽講溪水無情自薦哀
猶勝黃金買碑碣百年名字已煙埃

贈孟德茂

浩然子

江海悠悠雪欲飛抱書空出又空歸沙頭人滿鷗應笑

船上酒香魚正肥塵土竟成誰計是山林又悔一年非
平生萬卷應夫子兩世功名窮布衣

秋霽豐德寺與玄貞師詠月

露冷風輕霽魄圓高樓更在碧山巔四溟水合疑無地
八月槎通好上天黯黯星辰環紫極喧喧朝市匝青

一作

蔽蒼煙夜深獨與巖僧語羣動消聲舉世眠

長陵

長安高闕此安劉祔葬纍纍盡列侯
豐上舊居無故里

沛中原廟對荒丘耳聞明

一作英

主提三尺眼見愚民盜

一坏千載腐

一作豎

儒騎瘦馬渭城

一作濱

斜月

一作日

重回

頭

留別

西入潼關路何時更盡簪年來人事改老去鬢毛侵
花染離筵淚葵傾報國心龍潭千尺水不似別情深

宿獨留

日晚宿留城人家半掩門羣鴉棲老樹一犬吠荒村爭

買魚添價新筍酒帶渾船頭對新月誰與共清論

客中感懷

客路三十里西風兩鬢塵貪名笑吳起說國歎蘇秦託
興非耽酒思家豈為尊可憐今夜月獨照異鄉人

過三山寺

三山江上寺宮殿望岩堯石徑侵高樹沙灘半種苗一
僧歸晚日羣鷺宿寒潮遙聽風鈴語興亡話六朝

望夫石

江上見危磯人形立翠微
妾來終日望夫去幾時歸
明月空懸鏡蒼苔漫補衣
可憐雙淚眼千古斷斜暉

過湖口

江湖分兩路此地是通津
雲淨山浮翠風高浪潑銀
人行俱是客舟住即為鄰
俯仰煙波內蜉蝣寄此身

夜泊東溪有懷

水昏天色晚崖下泊行舟
獨客傷歸鴈孤眠歎野鷗
溪聲牽別恨鄉夢惹離愁
酒醒推蓬坐淒涼望女牛

登廬山

五老峰巔望天涯在目前
湘潭浮夜雨巴蜀暝寒煙
泰華根同峙嵩衡脈共聯
憑虛有仙骨日月看推遷

金陵九日

野菊西風滿路香
雨花臺上集壺觴
九重天近瞻鍾阜
五色雲中望建章
綠酒莫辭今日醉
黃金難買少年狂
清歌驚起南飛鴈
散作秋聲送夕陽

遊清涼寺

白雲紅樹路紆縈古殿長廊次第行南望水連桃葉渡
北來山枕石頭城一塵不到心源淨萬有俱空眼界清
竹院逢僧舊曾識旋披禪衲為相迎

高平九日

雲淨南山紫翠浮憑陵絕頂望悠悠偶逢佳節牽詩興
漫把芳尊遣客愁霜染鴉楓迎日醉寒衝溼水帶冰流
烏紗頻畔西風裏笑插黃花滿鬢秋

金陵懷古

碧樹涼生宿雨收
荷花荷葉滿汀洲
登高有酒渾忘醉
慨古無言獨倚樓
宮殿六朝遺古跡
衣冠千古漫荒丘
太平時節殊風景
山自青青水自流

道中途故人

蘭陵市上忽相逢
叙別殷勤興倍濃
良會若同雞黍約
暫時不放酒杯空
愁牽白髮三千丈
路入青山幾萬重
行色一鞭催去馬
畫橋嘶斷落花風

早行遇雪

下馬天未明風高雪何急須臾路欲迷頃刻山盡白雞
犬寂無聲曙光射寒色荒村絕煙火髯凍布袍濕王事
不可緩行行動悽惻

樊登見寄四首

新辭翦秋水洗我胸中塵無由愜良會極目空懷人醉
來拔劍歌字字皆陽春

輕黃著柳條新春喜更始感時重搔首悵望不能已無
由託深情傾瀉芳尊裏

明月入我室天風吹我袍良夜最岑寂旅況何蕭條馳
情望海波一鶴鳴九臯

悠悠括城北眇眇巖泉西宿草暝煙綠苦竹含雲低幽
懷不可託鷓鴣空自啼

春風四首

春風吹愁端散漫不可收不如古溪水祇望鄉江流
新花紅燦燦舊花滿山白昔日金張門狼籍餘廢宅
回頭語春風莫向新花叢我見朱顏人多金亦成翁

多金不足惜丹砂亦何益更種明年花春風自相識

感物二首

騷驥初失羣亦自矜趨騰俛仰歲時久帖然困蚊蠅豪
鯨逸其穴尺水成滄溟豈無魚鼈交望望為所憎物理
有翕張達人同廢興幸無怵迫憂聊復曲吾肱

魚目出泥沙空村百金珍豫章值擁輶細細供蒸薪論
材何必多適用即能神託交何必深寡求永相親鮑叔
拙羈魯張生窮厄陳茫然扳援際豈意出風塵

和陶淵明貧士詩七首

貧賤如故舊少壯即相依中心不敢厭但覺少光輝向
來乘時士亦有能奮飛一朝權勢歇欲退無所歸不如
行其素辛苦奈寒飢人生繫天運何用發深悲

我居在窮巷來往無華軒辛勤衣食物出此二畝園薤
藠鬱朝露桑柘浮春煙以茲亂心曲智計無他奸擇勝
不在奢興至發清言相逢樵牧徒混混誰愚賢

松風四山來清宵響瑤琴聽之不能寐中有怨歎音旦

起繞其樹礪礪不計尋清陰可敷席有酒誰與斟由來
大度士不受流俗侵浩歌相倡答慰此霜雪心

中年涉事熟欲學唾面婁逡巡避少年赴穢不敢訓旁
人吁已甚自喜計慮周微勞消厚疚殘辱勝深憂從知
為下安處上反無傳人生各有志勇懦從所求

古人重畎畝有祿不待干德成祿自至釋耒列王官不
仕亦不貧本自足饔飧後世恥躬耕號呼脫飢寒我生
千襁後念此愧在顏為農倘可飽何用出柴關

村郊多父老面垢頭如蓬我嘗使之年言語不待工古

來名節士敢望彭城龔有叟誚其後更恨道不通

一作同

鄙哉說說者為隘不為通低頭拜野老負米吾願從

去年秋事荒販糴仰鄰州健者道路間什百成朋儔今
年漸向熟庶幾民不流書生自無田與衆同喜憂作詩
勞鄰曲有倡誰與酬亦無采詩者此修何可修

舟中望紫巖

近山如畫牆遠山如帚長我從雲中來回頭白茫茫惜

去乃爾覺常時自相忘相忘豈不佳遣此懷春傷飄灑
從何來衣巾濕微涼初疑風雨集冉冉遊塵黃無歸亦
自可信美非吾鄉登舟望東雲猶向帆端翔

九日遊中溪

悠悠循澗行磊磊據石坐林垂短長雲山綴丹碧顆蓼
花最無數照水嬌婀娜何知是節序風日自清妥羣童
競時新萬果間蔬蔬欣然為之醉烏帽危不墮此日山
中懷孟公不如我

六日十三日上陳微博士

驕雲飛散雨隨風為有無老農終歲心望施在須臾平
生官田粟長此禮義軀置之且勿戚一飽任妻孥

青青澤中蒲九夏氣淒寒翩翩翠碧羽照影蒼溪間巢
由薄天下俗士榮一官小大各有適自全良獨難

窮居無公憂私此長夏日蚊蠅如俗子正爾相妬嫉麾
驅非吾任遁避亦無術惟當俟其定靜坐萬慮一

宿田家

第十四句
缺一字

落日下遙峰荒村倦行履停車息茅店安寢正鼾睡忽
聞扣門急云是下鄉隸公文捧花桺鷹隼駕聲勢良民
懼官府聽之肝膽碎阿母出塘塞老脚走顛躓小心事
延欸餘糧復匱東鄰借種雞西舍覓芳醕再飯不厭
飽一飲直呼醉明朝怯見官苦苦燈前跪使我不成眠
為渠滴清淚民膏日已瘠民力日愈弊空懷伊尹心何
補堯舜治

夏日訪友

提樹生晝涼濃陰撲空翠孤舟喚野渡村曠入幽邃高
軒俯清流一犬隔花吠童子立門牆問我向何處主人
聞故舊出迎時倒屣驚近叙間闊屈指越寒暑殷勤為
延欸偶爾得良會春盤擘紫蝦冰鯉斫銀鱠荷梗白玉
香苡菜青絲脆臘酒擊泥封羅列總新味移席臨湖濱
對此有佳趣流連送深杯賓主共忘醉清風岸烏紗長
揖謝君去世事如浮雲東西渺煙水

遊南明山

久聞南明山共慕南明寺幾度欲登臨日逐擾人事于
焉偶閑暇鳴轡忽相聚乘興樂遨遊聊此托佳趣涉水
渡溪南迢迢翠微裏石磴千疊斜峭壁半空起白雲鎖
峰腰紅葉暗溪嘴長藤絡虛巖疎花映寒水金銀拱梵
刹丹青照廊宇石梁卧秋溟風鈴作簷語深洞結苔陰
嵐氣滴晴雨羊腸轉咫尺鳥道轉千里屈曲到禪房上
人喜延竚香分宿火薰茶汲清泉煮投閑息萬機三生
有宿契行廚出盤飧擔甕倒芳醕脫冠挂長松白日藉

憑倚宦途勞營營暫此滌塵慮闔令促傳觴投壺更聯
句興來較勝負醉後忘爾汝忽聞吼蒲牢落日下雲嶼
長嘯出煙蘿揚鞭賦歸去

索蝦

姑孰多紫蝦獨有湖陽優出產在四時極美宜於秋雙
箱鼓繁鬚當頂抽長矛鞠躬見湯王封作朱衣侯所以
供盤餐羅列同珍羞蒜友日相親瓜朋時與儔既名釣
詩釣又作鉤詩鉤于時同相訪數日承欸留厭飲多美

味獨此心相投別來歲云久馳想空悠悠銜杯動遐思
啜口涎空流封緘托雙鯉于焉來遠求慷慨胡隱君果
肯分惠否

採桑女

春風吹蠶細如蟻桑芽纔努青鴉嘴侵晨採采誰家女
手挽長條淚如雨去歲初眠當此時今歲春寒葉放遲
愁聽門外催里胥官家二月收新絲

送許戶曹

沙頭小燕鳴春和楊柳垂絲煙倒拖將軍樓船發浩歌
雲檣高插天嵯峨白虹走香傾翠壺勸飲花前金叵羅
神鰲駕粟升天河新承雨澤浮恩波

詠葡萄

西園晚霽浮嫩涼開尊漫摘葡萄嘗滿架高撐紫絡索
一枝斜軀金琅璫天風颼颼葉栩栩蝴蝶聲乾作晴雨
神蛟清夜蟄寒潭萬片濕雲飛不起石家美人金谷遊
羅幃翠幕珊瑚鉤玉盤新薦入華屋珠帳高懸夜不收

勝遊記得當年景清氣逼人毛骨冷笑呼明鏡上遙天
醉倚銀牀弄秋影

蟹

湖田十月清霜隨晚稻初香蟹如虎板罾拖網取賽多
篾簍挑將水邊貨縱橫連爪一尺長秀凝鐵色含湖光
螳蜋石蟹已曾食使我一見驚非常買之最厭黃髯老
償價十錢尚嫌少漫誇丰味過蝓蚶尖臍猶勝團臍好
充盤煮熟堆琳琅橙膏醬漂調堪嗜一斗擘開紅玉滿

雙螯啖出瓊酥香岸頭沽得泥封酒細嚼頻斟弗停手
西風張翰苦思鱸如斯丰味能知否物之可愛尤可憎
嘗聞取刺於青蠅無腸公子固稱美弗使當道禁橫行

叙別

譙樓夜促蓮花漏樹陰搖月蛟螭走蟠拏對月吸深杯
月府清虛玉兔吼翠盤擘脯臙脂香碧碗敲冰分蔗漿
十載番思舊時事好懷不似當年狂夜合花香開小院
坐愛涼風吹醉面酒中彈劍發清歌白髮年來為愁變

御定全唐詩卷六十七

欽定四庫全書

御定全唐詩卷六百七十二

唐彥謙

緋桃

短牆荒圃四無鄰
烈火緋桃照地春
坐久好風休掩袂
夜來微雨已霑巾
敢同俗態期青眼
似有微詞動絳脣
盡日更無鄉井念
此時何必見秦人

小院

金瓶梅詞話卷之七十一
小
院無人夜煙斜月轉明清宵易惆悵不必有離情
春雪初霽杏花正芳月上夜吟

霽景明如練繁英杏正芳姮娥應有語悔共雪爭光

文惠宮人

認得前家令宮人淚滿裾不知梁佐命全是沈尚書

贈竇尊師

我愛竇高士棄官仍在家為嫌句漏令兼不要丹砂

穆天子傳

王母清歌玉琯悲
瑤臺應有再來期
穆王不得重相見
恐為無端哭盛姬

楚天

楚天遙望每長嘯
宋玉襄王盡作塵
不會瑤姬朝與暮
更為雲雨待何人

寄徐山人

一室清羸鶴體孤
氣和袖瑩爽冰壺
吳中高士雖求死
不那稽山有謝敷

題宗人故帖

所忠無處訪相如風笈塵編跡尚餘惟有孝標情最厚
一編遺在茂陵書

垂柳

絆惹春風

一作風光

別有情世間誰敢鬪輕盈楚王江畔無

端種餓損纖腰

一作宮娥

學不成

登興元城觀烽火

漢川城上角三呼扈蹕防邊列萬夫褒姒冢前烽火起

不知泉下破顏無

鄧艾廟

昭烈遺黎死尚羞揮刀斫石恨譙周如何千載留遺廟
血食巴山伴武侯

曲江春望

杏豔桃光

一作嬌

奪晚霞樂遊無廟有年華漢朝冠蓋皆

陵墓十里宜春漢

一作下

苑花

漢殿

鳥去雲飛意不通
夜壇斜月轉松風
君王寂慮無消息
却就閒人覓巨公

賀李昌時禁苑新命

振鷺翔鸞集禁闈
玉堂珠樹瑩風儀
不知新一作親到靈

和殿張緒如何柳一枝

牡丹

顏色無因饒錦繡
馨香惟解掩蘭蓀
那堪更被煙蒙蔽
南國西施泣斷魂

羅江驛

數枝高柳帶鳴鴉
一樹山榴自落花
已是向來多淚眼
短亭回首在天涯

奏捷西蜀題沱江驛

野客乘輶非所宜
況將儒懦報戎機
錦江不識臨邛酒
且免相如渴病歸

春早落英

紛紛從此見花殘
轉覺長繩繫日難
樓上有愁春不淺

小桃風雪凭闌干

仲山

高祖兄仲
隱居之所

千載遺蹤寄薜蘿
沛中鄉里舊山河
長陵亦是閒丘隴
異日誰知與仲多

漢嗣

漢嗣安危繫數君
高皇決意勢難分
張良口辯周昌吃
同建儲宮第一勛

四老廟

西漢儲宮定不傾可能園綺勝良平
舉朝公將無全策借請閒人羽翼成

南梁戲題漢高廟

數載從軍似武夫今隨戎捷氣偏粗
漢皇一作王若問何

為者免道高陽舊酒徒

洛神

人世仙家本自殊何須相見向中途
驚鴻瞥過遊龍去漫惱陳王一事無

初秋到慈州冬首換絳牧

秋杪方攀玉樹枝
隔年無計待春暉
自嫌暫作仙城守
不逐鶯來共燕飛

重經馮家舊里

馮家舊宅閉柴關
修竹猶存滴一作

水灣應繫星辰天

上去不留英骨葬人間

克復後登安國寺閣

千門萬戶鞠蒿藜
斷燼遺垣一望迷
惆悵建章鴛瓦盡

夜來空見玉繩低

題虔僧室

何緣春恨貯離憂
欲入空門萬事休
水月定中何所謂
也頻看黛托腮愁

見煬帝寶帳

漢文窮相作前王
慳惜明珠不斗量
翡翠鮫綃何所直
千裨萬接上書囊

樓上偶題

塵土無因狎隱淪
青山一望每傷神
可能前嶺空喬木
應有懷才抱器人

親仁里聞猿

朱雀街東半夜驚
楚魂湘

一作和

夢雨徒

一作雨中

清五更撩

亂趨朝火滿口
塵埃亦數聲

聞李漬司勛下世

異鄉丹旆已飄揚
一顧深知實未亡
任被褚裒哀泉下
笑重將北面哭真長

試夜題省廊桂

麻衣穿穴兩京塵十見東堂綠桂春
今日競飛楊葉箭
魏舒休作畫壽人

竹風

竹映風窗數陣斜旅人愁坐思無涯
夜來留得江湖夢
全為乾聲似荻花

長溪秋望

柳短莎長溪水流雨微煙暝立溪頭
寒鴉閃閃前山去

杜曲黃昏獨自愁

嚴子陵

嚴陵情性是真狂抵觸三公傲帝王
不怕舊交嗔僭越喚他侯霸作君房

北齊

草草招提強據鞍周師乘勝莫回看
背城背戰知虛實爭奈人前忍笑難

楚世家

偏信由來或是非一言邪佞脫危機張儀重入懷王手
駟馬安車却放歸

驪山道中

月殿真妃下綵煙漁陽追虜及湯泉君王指點新豐樹
幾不親留七寶鞭

韋曲

欲寫愁腸愧不才多情練漉已低摧窮郊二月初離別
獨傍寒村嗅野梅

黃子陂荷花

十頃狂風撼麴塵
綠堤照水露紅新
世間花氣皆愁絕
恰是蓮香更惱人

野行

蝶戀晚花終不去
鷗逢春水固難飛
野人心地都無著
伴蝶隨鷗亦不歸

興元沈氏莊

清淺縈紆一水間
竹岡藤樹小躋攀
露沾荒草行人過

月上高林宿鳥還江遶武侯籌筆地雨昏張載勒銘山
異鄉一笑因酣醉忘却愁來鬢髮班

亂後經表兄瓊華觀舊居

一去仙居似轉蓬再經花謝倚春叢醉中篇什金聲在
別後音書錦字空長憶映碑逢若士未曾攜杖逐壺公
東風狼籍苔侵徑蕙草香銷杏帶紅

秋霽夜吟寄友人

槐柳蕭疎溽暑收金商頻伏火西流塵衣歲晚緣身賤

雨簟更深滿背秋前事悲涼何足道遠書慵懶未能修
惟思待月高梧下更就東林訪惠休

賀李昌時禁苑新命

玉簡金文直上清禁垣丹地閉嚴扃黃扉議政參元化
紫殿稱觴拂壽星萬戶千門迷步武非煙非霧隔儀形
塵中舊侶無音信知道遼東鶴姓丁

寄蔣二十四

鳥嘯蜂飛日漸長旅人情味悔思量禪門澹薄無心地

世事生疎欲面牆二月雲煙迷柳色九衢風土帶花香

大一作亦知高士禁愁寂試倚闌干莫斷腸

寄懷

有客傷春復怨離夕陽亭畔草青時淚從一作隨紅蠟無

由制腸比朱弦恐更危梅向好風惟是笑柳因微雨不勝垂雙溪未去饒歸夢夜夜孤眠枕獨欹

送樊館司業歸朝

近者蘇司業文雄道最光夫君居太學妙譽繼中行汲

郡陵初發汾陰篋久亡寂寥方倚席容易忽升堂去日
應懸榻來時定裂裳愜心頻拾芥應手屢穿楊辯急如
無敵飛騰固自強論心期舌在問事畏頭長駟馬終題
柱諸生悉面牆啗螯譏爾雅賣餅訴公羊

三國志注魏
嚴幹善春秋

公羊鍾繇好左氏
謂公羊為賣餅家

未見泥函谷俄驚火建章煙塵昏象

魏行在隔巴梁紅粟填郿塢青袍過壽陽剪茅行殿濕
伐栢舊陵香蠹室青衿盡渠門火旆揚雲飛同去國星
散各殊方賤子悲窮轍當年亦擅場齏辛尋幼婦醴酒

憶先王聖域探姪孔皇風樂禹湯畏誅輕李喜言命小
臧倉折樹休盤礪沈鉤且釣璜鴻都問詞客他日莫相
忘

奉使岐下聞唐弘夫行軍為賊所擒傷而有作
報國捐軀實壯夫楚囚垂欲復神都雲臺畫像皆何者
青史書名或不孤散卒半隨袁校尉寡妻休問辟司徒
聞君敗績無歸計氣激星辰坐向隅

咸通中始聞褚河南歸葬陽翟是歲上平徐方

大肆慶賞又詔八品錫其裔孫追叙風槩因成

二十韻

冊府藏餘烈皇綱正本朝不聽還笏諫幾覆綴旒祧咫尺言終直愴惶道已消淚心傳位日揮涕授遺朝飛燕潛來趙黃龍豈見譙旣迷秦帝鹿難問賈生鵬穆卜緘滕秘金根轍跡遙北軍那奪印東海漫難橋羅織黃門訟笙簧白骨銷炎方無信息丹旄竟淪漂邂逅江魚食淒涼楚客招文忠徒謚議子卯但簫韶未見公侯復尋

傷嗣續凋流年隨水逝高誼薄層霄柱石林公遠縑緗
故國饒奇蹤天驥活遺軸錦鸞翹近者淮夷戕前年歸
馬調始聞移北葬兼議陰山苗聖澤覃將溥貞魂喜定
飄異時窮巷客懷古漫成謠

岐王宅

朱邸平臺隔禁闈貴遊陳跡尚依稀雲低雍時祈年去
雨細長楊縱獵歸申白賓朋傳道義應劉文彩寄音徽
承平舊物惟君一作名盡猶寫雕鞍伴六飛

東一作陳韋曲野思

淡霧輕雲

一作陰

匝四垂綠塘秋望獨顰眉野蓮隨水無

人見寒鷺窺魚共影知九陌要津勞目擊五湖閒夢誘

一作有

心期孤燈夜夜愁欹枕一覺

一作覽

滄洲似昔時

上巳

一作上巳日寄韓八

上巳接寒食鶯花寒落晨微微潑火雨草草踏青人涼

似三秋景清無九陌塵與余

一作伯與一作怕與

同病者對此合

傷神

移莎

移從杜城曲置在小齋東正是高秋裏仍兼細雨中結
根方迸竹疎蔭託高桐冉冉齊芳草飄飄笑斷蓬片時
留靜者一夜響鳴蛩野露通宵滴溪煙盡日蒙試才卑
庾薤求味笑周松只此霜栽好他時贈伯翁

西明寺威公盆池新稻

為笑江南種稻時露蟬鳴後雨霏霏蓮盆積潤分畦小
藻井垂陰擢秀稀得地又生金象界結根仍對水田衣

支公尚有三吳思更使幽人憶釣磯

紅葉

無處不飄揚高樓臨道旁素娥前夕月青女夜來霜宿
雨隨時潤秋晴著物光幽懷長若此病眼更相妨蜀紙
裁深色燕脂落靚粧低叢侵小閣倒影入迴塘謝朓留
霞綺甘寧棄錦張何人休遠道是處有斜陽薜荔垂書
幌梧桐墜井牀晚風生旅館寒籟近僧房桂綠明淮甸
楓丹照楚鄉鴈踈臨鄴杜蟬急傍瀟湘樹異桓宣武園

非顧辟疆茂陵愁卧客不自保危腸

鷓鴣

一宿南塘煙雨時好風搖動綠波微驚離曉岼衝花去
暖下春汀照影飛華屋撚弦彈鼓舞綺窗含筆澹毛衣
畫屏見後長迴首爭得雕籠莫放歸

螢

日下蕪城莽蒼中濕螢撩亂起衰

一作花

叢寒煙陳后長

門閉夜雨隋家舊苑空星散欲陵前檻月影低如試北

窗風羈人此夕方愁緒心似寒灰首似蓬

夜蟬

翠竹高梧夾後溪勁風危露雨淒淒那知北牖殘燈暗
又送西樓片月低清夜更長應未已遠煙尋斷莫頻嘶
羈人此夕如三歲不整寒衾待曙雞

七夕

露白風清夜向晨小星垂佩月埋輪絳河浪淺休相隔
滄海波深尚作塵天外鳳皇何寂寞世間烏鵲漫辛勤

倚闌殿北斜樓上多少通宵不寐

一作人睡

中秋夜玩月

一夜

一作上

高樓萬景奇碧天無際水無涯

一作空

留皎

月當層漢並送浮雲出四維霧靜

一作盡

不容玄豹隱冰生

惟

一作祇

恐夏蟲疑坐來離思憂將曉爭得嫦娥仔細知

八月十六日夜月

斷腸佳賞固難期昨夜銷魂更不疑丹桂影空蟾

一作蟬

有露綠槐陰在鵲無枝賴將吟詠聊惆悵早是疎頑耐

別離堪恨賈生曾慟哭不緣清景為憂時

送韋向之睦州謁使君

才子南遊多遠情閒舟蕩漾任春行新安江上長如此
何似新安太守清

春殘

景為春時短愁隨別夜長暫甚寧號隱輕醉不成鄉風
雨曾通夕莓苔有衆芳落花如便去樓上即河梁

玫瑰

麝炷騰清燎，鮫紗覆綠蒙。
宮妝臨曉日，錦段落東風。
無力春烟裏，多愁暮雨中。
不知何事意，深淺兩般紅。

牡丹

真宰多情巧思新，固將能事送殘春。
為雲為雨徒虛語，傾國傾城不在人。
開日綺霞應失色，落時青帝合傷神。
嫦娥婺女曾相送，留下鴟黃作藥塵。

秋晚高樓

松拂疎窗竹映闌，素琴幽怨不成彈。
清宵霽極雲離岫，

紫禁風高露滿盤
晚蝶飄零驚宿雨
暮鴉凌亂報秋寒
高樓瞪目歸鴻遠
如信嵇康欲畫難

離鸞

聞道離鸞思故鄉也
知情願嫁王昌
塵埃一別楊朱路
風月三年宋玉牆
下疾不成雙點淚
斷多難到九迴腸
庭前佳樹名梔子
試結同心寄謝娘

柳

春思春愁一萬枝
遠村遙岼寄相思
西園有雨和苔長

南內無人拂檻垂遊客寂寥緘遠恨暮鶯啼叫惜芳時
晚來飛絮如霜鬢恐為多情管別離

春陰

一寸迴腸百慮侵旅愁危涕兩爭禁天涯已有銷魂別
樓上寧無擁鼻吟感事不關河裏笛傷心應倍雍門琴
春雲更覺愁于我閒蓋低村作暝陰

春深獨行馬上有作

日烈風高野草香百花狼籍柳披猖連天瑞靄千門遠

夾道新陰九陌長，衆飲不歡逃席酒。
獨行無味放遊韉，年來與問閒遊者。
若箇傷春向路旁。

春雨

綺陌夜來雨，春樓寒望迷。
遠客迎燕戲，亂響隔鶯啼。
有恨開蘭室，無言對李蹊。
花欹渾拂檻，柳重欲垂堤。
燈檠昏魚目，薰爐咽麝臍。
別輕天北鶴，夢怯汝南雞。
入戶侵羅幌，捎簷潤繡題。
新豐樹已失，長信草初齊。
亂蝶寒猶舞，驚鳥暝不栖。
庾郎盤馬地，却怕有春泥。

漢代

漢代金為屋吳宮綺作寮
艷詞傳靜婉新曲定妖嬈
箭響猶殘夢籤聲報早朝
鮮明臨曉日迴轉度春宵
半袖籠清鏡前絲壓翠翹
靜多如有待閑極似無慘
梓澤花猶滿靈和柳未凋
障昏巫峽雨屏掩浙江潮
未信潘名岳應疑史姓蕭
漏因歌暫斷燈為雨頻挑
飲酒闌三雅投壺賽百嬌
鈿蟬新翅重金鴨舊香焦
水淨疑澄練霞孤欲建標
別隨秦柱促愁為蜀弦么
玄宴難瘳瘵臨叩

但發痛聯詩微弱絮思友詠甘蕉王氏憐諸謝周郎定
小喬黼幃翹綵雉波扇畫文鯨荇密妨垂釣荷欹欲度
橋不因衣帶水誰覺路迢迢

牡丹

青帝於君事分偏穠堆浮艷倚朱門雖然占得笙歌地
將甚酬他雨露恩

湘妃廟

劉表荒碑斷水濱廟前幽草閉殘春已將愁淚留班竹

又感悲風入白蘋
八族未來誰北拱
四凶猶在莫南巡
九峰相似堪疑處
望見蒼梧不見人

句

獨來成悵望
不去泥欄干

惜花 見
詩人 玉屑

御定全唐詩卷六百七十二